

2 Timoti

¹⁻² I dere așeta, Kótóné ama tuęre ala sya furaalu, dotonale *apotel* whi Pol-né dapó. Yalo hosaa mole naale Timoti ya paae Aya Kótóro Tale Yesu Kerisotamo tuamó kaaróló wou betere kqlené sukuturaalu hęle tao sere alakélé, hosaa muni deyóló mo dua betere alakélé, ya tuamó muó tanópóló yae.

Talené fo aqmó sukóló bitu erótu betae ere fo

³ Yalo ayarape deale whirape me dowi ala ini, tuę wisi muluraalu, Kótóné ama ala eraté wale kaae, mió yalokélé Yesu Keriso tuamó mo ti betere bete mulapóló kisipa mutu, ę ama kutó i dirótu betere ape.

Tétu dętamokélé, dikitamokélé, ya kisipa keteréni, momatóró yó taruraalu, Talepaae mo kée dapó. ⁴ Naao kelemó dorowou betere wole kaapemó kisipa mutu, ę hajné sukai ya kele wolée i du betere ape. ⁵ Yalo tuę mutupa naao tuę tiki tiratere alata, tómó ini, folosóro naao ausere Lois-ró naao hae Yunis-tamo tuamó iru yale kaae, mió ya tuamókélé mo atérapóló kisipa mutapó. ⁶ Atérapa, naao tikimó yalo naase mulale sukamó Kótóné yapaee melale ala mo hęle muaqsóropa, si mi holópóló flitu dere kaae, mo doa keteke buóló erótu betaasepóló, ma fo i dapa wosae. ⁷ Ti noatepae, Kótóné dę melale kepe beteta, wiratere kepe ménitei, dę mo halaiyóló, yaala sókó fole ala yóo, dę tuamó kae kae mole kisipa tiki haşókó

fóló dowi ala yaqsóró, mo wisiyóló tẹteróló kaae tawóo yópóló, fotokọ bole kepe wisi melalepó.

⁸ Tẹrapa, so whị feané keletómó dọ tẹteróló kaae tare Talené ala etérópóló yó móturaalu, ha-laainé erótu betae. Ama ala erótu betepa, *dipula* bemó beteró betere whị ẹ kilitukélé hale yaqse. Tényi, kale mió i wosetu betere fo wisi yó mótu betepa, ẹ su betere sekẹ kaae mené yapaakélé eratepa, belée tawae. Ti ai sere sekẹta, Kótóné dąmopaae mótu betere fotokọ tuąmó betepa, ti sųmó belenérápó. ⁹ Ti ai sekéné amatei dą aluyaqsóró tao sóró ama kae beteró betere so whị beterópóló ą beterepaae ape yaleteita, ti dąné me wisi ala dere kolóló initei, Kótóné ama mo eraalopó yóló muló betere ala sya furaalu, hąle hamokoróló tao salepó. Dą atéro Yesu Keriso tuąmó betepa melale hąle hamokoróló tao sere alata, i haeró sątamo aleyaaipatei meló beterápó. ¹⁰ Ai alata, dą tao sere whị Yesu Keriso wale sukamó hąkeamó eratepa, so whị feané kelalepó. Ti ai sekénéta, sukutere ala ama sóró mo ti aluróo, mo ti betó tawaaire ala dẹ tuąmó mupa so whịné kolóo yópóló, mió i wosetere kisi fo wisi yó mótu betereteiné hąkearalepó. ¹¹ Mió i wosetu betere kisi fo wisi kae kae be huluumó betó mole so whịné wosópóló Kótóné fo i ape yóló yó melóo, bete mole fokélé yó melóo yópóló, amatei ẹ dotęyaairaaalu sóró beteralepó. ¹² Atétu betere alamó ẹ sekẹ su betepatei, wiyóló haletere alakélé dumipó. Ti noatepae, ẹ tuę tiki tiróló betere sekẹta, yąlo mo diriyóló tuęrapó. Atéru, mo hotowayóló kaae tawae yale ala mió i betere

alimókélé amatei kaae taté fóló, take kemene fole sukamókélé ama mo sýmó kaae tanérapóló kisipa mutapó.

¹³ Yálo yó matepa wosale fo mo diriyóló tué mulu, naao yó mótukélé ai fo kaaetóróti yó mótu betae. Atéro yó móturaalu, Yesu Keriso tuámó bitu, kisipa tiki tiratere alakélé, yaala sókó fole alakélé, yó tawae. ¹⁴ Mené yápaae wisiyóló kaae tawae yóló melale ɔla wisi me ala yaqsóro dá tuámó betere Deji Kepe Wisiné ya fotokɔratepa, mo hotowayóló kaae tawae.

¹⁵ Esia hae kwiamó betó mole whjrape feané ɛ taaróló fupa, Fikelus-ró Hermosenes-tamokélé ɛ taaróló feletei naao ai tuére ape.

¹⁶ Onesiporus-ró ama be whjtamopaae Tal-ené kɔlené sukóló tao sere ala erópóló yae. Ti noatepae, ɛ *sein* képiné dokóló *dipula* bemó betepa kilitu, atima wiyóló hale ini, wisi ala eraté fu betepa, ɛ kisipa feléyóló betalepó. ¹⁷ A Rom be huluapaae wóló, ɛ momó beterérópóló kelaaí kikitú wikélé ó hókélé ini, mo ketekɛ buóló keketé kutu beteró nalo ɛ kelalepó. ¹⁸ Take Tale waaire be demó ama kɔlené sukóló tao saaire ala wisinaale ɔpaae erópóló yae. Dámo Epesus bemó betepa, ama ɛ tao suraalu, kae kae ala eraletei naao ai tuére ape.

2

¹⁻² Térapa, Yálo naale-ó, Yesu Kerisoné haɔle hamokoróló tao sere ala tuámó fotokɔ buóló betae. Atéro bitu, so whj feané keletómó yálo yó mótu betepa wosale fo naao mepaae mo wisi ala

yó tare wh̄irapepaae i kale fo wisi mo wisiyóló kaae tawae yóló sóró beterae. Ti ai wh̄irapeta, h̄ale wh̄irape meitei, mo so wh̄ipaae Kótóné fo yó melaai mo s̄ure wh̄irapetóró sóró beterae. ³ D̄ata, Yesu Kerisoné sóró beteró betere diki tare wh̄i wisirape s̄u beterapa, sek̄ei ala wapakélé me ɔla meipa, d̄amo bet̄amó titiyóló bitu, h̄ale belée tawae. I haemó betó mole diki tare wh̄irapené dere ala tuę muae. ⁴ Atima t̄eteróló kaae tare wh̄iné kisipa tiki feléraaire alatóró yó taru, mo so wh̄iné kae kae du betere alatamo hosekényóló dumipó. ⁵ Atétu dere kaae, mepaae wh̄irape sururu yóló furaalu, i yae yóló muló betere fō wisiyóló sya fenitepata, ti kale folosóró fole wh̄irapené derótua dere topo tao saalomeipó. ⁶ Kutó dituraalu, depe tukó wei ala du betere wh̄inéta, folosóró ɔlumé dere ɔla amapi senérapó. ⁷ Ȳalo i dere fo bete wosóló, noa fo betené dérópóló kisipa tekeyae. Atétepata, ti ai forapené bete Talené ȳapaae yó melaalopó.

⁸ Ȳalo i yó mótu betere kisi fo wisita, kale Depit-né deté wale wh̄i Yesu Keriso sukóló momó kepaayóló beterapóló du betere fo mo diriyóló wosóló, kisipa muae. ⁹ Ai fo erótu beteremó, ę mo dowi ala yale wh̄i kaae *sein* képiné dokóló *dipula* bitu, mo sek̄e su beterapó. Téretei Kótóné fota *sein* képiné dokóló munipó. ¹⁰ Atérapa, Kótóné sorokó su yóló kae beteró betere so wh̄irapeta, Yesu Kerisoné tao sóró mo ti betó tawaaire d̄e tūamó beterópóló kisipa mutu, ę kae kae sek̄ei ala sótóro tarapó.

¹¹ I dere fota, mopóló kisipa tiraaire fopa wosae.

Dạ ạtamo sukutepa, ti dạ momó kepaayóló ạtamo betámó betaalopó.

¹² Mió i betere alimó dapaee sekçi ala wapakélé, hepée taae faróló fupa, ti take nalo waaire alimókélé, fea ala fea ama kaae tare kaae, dækélé ạtamo betámó bitu, tẹteróló kaae tawaalopó.

Danétamo ạ tuẹnipó depa, ti amakélé dapaee diækélé ạ tuẹnipó fọ yaalo ai ape.

¹³ Danétamo ama ala erótu beteretei hýyóló taalatepa, ti ama dạné dere kaae yaalomeitei, ama yó tare ala hẹle yótóró tawaalopó.

Ti noatepae, ama ere ala amatei doróló me kae ala enénipó. Ama du betere ala wisitóró hẹle yó tarapó.

Kótóné ama kutó diratere whị wisipó yópóló kutó wisiyóló dirae ere fọ

¹⁴ Kótóné fọ wisi erótu betere so whịrapené kisipa keteraqsóró yó maté fu betae. Tétu, hẹle mo sawa fomótei doasi bete mole fọ nisiyóló alale sóró u só derótu i só derótu yaqsóró, Kótóné keletómó mo dirii ma fọ du betae. Ti noatepae, atei bete munire fọ wosetere whịrapené kisipa tiki dorótu beterapó. ¹⁵ Naa Kótóné kutó ditu beteretei, họko dirateremó haleyaqsóró, mo bete mole fọ wisi donotóró yó mótu betae. Atétepa, Kótóné naao ai ditu betere kutó wisiyóló kẹae kolóló mo whị wisipóló dukiratere fọ yópóló, mo doa ketekẹ buóló erótu betae. ¹⁶ Kótó sisópaae eróló, hẹle họko forape wosaaitapóló faqse. Ti noatepa meipó. Atei fọ du betere so whịta Kótó

kisipa keteróló sisópaae mulóló mo ti aluraté faalo ai ape. ¹⁷ Ai wh̄irapené yó matere fota, dowi humu fakeyóló k̄laaté furaalu, wh̄iné tiki turó dorótu dere kaae, so wh̄i feané kisipa tiki mo ti doraalo ai ape. ¹⁸ Ai fo yó mótu betere wh̄irapekó Haimeniasisró Piletus-tamo kale mo fo wisi taaróló ai fele ape. Ti atimaamoné etei fo du beterapó. D̄a Keriso so wh̄ita, take kepaayóló beteretei, momómo kae kepaayaalomeipó du beterapó. Atétere foné mepaae so wh̄iné tué tiki tiró betere ala mo dorótu beterapó. ¹⁹ Tétépatei, Kótóné mo ti muó tawaaire bete tukóló muló betere kapo fake tómótei i fo as̄eyóló muló beterapó.

“Talené ama naale senaaleta, ti amatóró tuérapó.”

Fo me i ape.

“Talené ama ala erótu betere so wh̄i feata, ti ama so wh̄ipa, dowi ala mo taaróló kae betae.”

²⁰⁻²¹ Bet̄a néli wh̄iné ama doakale t̄ene be dolomó, *kold kaparó silpa kapatamoné* aleale wisi wisi ɔla muóo, mepaae mo ni fakeró haetamoné aleale ɔla ɔlakélé muóo, erapó. Atére ɔla ɔla mepaae mo wisi kutó maaté diyaaairaaalu bukóló kae mulóo, mepaae ɔla ɔla, ti h̄ale h̄oko kutó diyaaai saaitapóló kae mulóo, dua dapó. Mepaae wh̄i dené h̄ale bete munire ala sisópaae mulóló, me alakélé munipa, ti mepaae kae kae wisi ala ai wh̄iné s̄umó eranérapóló kisipa mutu, Talené taleyóló kae beteró beteratapó.

²² Teó so wh̄iné ek̄le yóló du betere dowi ala yapaaekélé eraqsóro, mo hotowayóló kaae tawae. Atéro, Kótóné so wh̄i atima hosaa tuámó mo wisi

kisipa betā mulu, Talepaae momatu betere so whītamo yaḱélé betāmó bitu, mo donoi alamaaté yó tawóo, tué tiki tiratere alakélé yóo, yaala sókó fóló hosaa muni deyóló dua betóo iru, ketekē buóló eraté fu betae. ²³ Topo doyóló okokoi kisipa mole whīrapené u só derótu i só derótu dere kaae momókó yaḱse. Ti noatepae, atétere alané hḱle sere ala kaarótu beteretei naao ai tuére ape. ²⁴ Ti atei kaae ala Talené kutó diratere whīné dere ala meipa, mo yaḱse. Téni, so whī featamo mo dua naameyóló bitu, Kótóné fo wisi betā yó melatere fosó fosóre whī betae. Menétamo yaḱpaae dowi ala eratepa, ḱpaae kwia tokḱ melaai kisipa muni, mo donoi ala betā erótu betae. ²⁵ Kótóné kutó diratere whīrapetamo bóe du betere whīrapepaae Kótóné fo wisi mo dua naameyóló yó mótu betae. Ti ai bóe du betere alata, hḱle meipó. Satan-né ama kisipa mole ala erḱpóló, atima ama hemó ai daló betere ape. Atérāpa, ai yó matere fo wisi woseté furaalu, Kótóné atima kisipa tiki feterḱpóló dua yó mótu betae. ²⁶ Atéro feteratepa, mo foné bete diriyóló tuéturaalu momómo kisipa wisi muóló, Satan-né hemó doló mualetei sokóló hḱle fḱpóló eraalopó.

3

Kemetere be demó Kótó hḱróló bóe daaitere ala

¹⁻⁵ I dere fo mo diriyóló wosae. Kemeyaaitere alimó mo dowi seḱei ala wapa so whī feané i alarape du betaalo ai ape. Atimatei atima yaala sókó fole ala yóo, *monimó* ekēle dere ala yóo, bopé fake dere ala yóo, amatei ḱ hale horatere

ala yóo, dowi teka fo yóo, atimané hae aya aqomó sukóló bitini yóo, mené wisi ala eratepatei mo kée dere fo ini yóo, Kótóné ama kae betero betere so whi bitini yóo, mepaae so whipaae yaala sókó fole ala ini yóo, me whitamó hqle saletei hapale kemeraaire tué muni, dowaae fole ala yóo, eratere fo yóo, atimané ekqlere ala tetereni yóo, kqle dere alakélé ini, susupuratere alamaaté eróo, me whipaae wisi ala eraai tué muni yóo, mo no apu nisirutei eleké deyóló dóo, yaaitere ala kisipa tekeyóló ini hqko yóo, mené kolóló dukirópóló nene dere ala yóo, tó tikiné yaaitere ala ekqle yóló duraalu, Kótópaae yaala sókó fole ala ini yóo, atima Kótóné ala eratere whirape aqrutei ai ala eraaire fotokq meitepa, atimanétei hqyóló taaralepó. Atei ala du betere so whitamó fulumu yóló bitini tika kae betae.

⁶ Ai ala du betere whirapené wisi ala yaai tué munire sorapené bepaae kikiti dua sókó fóló kale sorapené kisipa tiki doróló i ala yae yóló yó mótu beterapó. Ti ai sorape atima du betere dowi alané atima só deróló atimané kisipa tikikélé beséné ni upaae só fua ipaae só wua dere kaae, kae kae dowi ala yaai ekqle yóló du beterapó. ⁷ Atimané kale fo wisi saalopóló su betepatei mo foné bete wisiyóló kisipa mutumipó. ⁸ Take Moses-né Kótóné fo i ape yóló yó mótu betepatei, Janes-ró Jamperes-tamoné ai fotamo bóe du bitu yale kaae, ai whirapénékélé mo fotamo bóe du bitu, dowi ala yaaire kisipatóró fjanuraalu, Talepaae tué tiki tiró betaaire ala sunipa, Kótóné atima taaralepó. ⁹ Kale u whi tamopaae yale kaae,

ai wh̄irapené h̄oko ala du betere bete so wh̄i feané kolópóló h̄akearatepa f̄olo sukamó deté fu betaalomeipó.

Pol-né Timotipaae i ala yae yóló ketek̄e bulale fo

¹⁰⁻¹¹ Tépatei, ȳalo yó mótu betere fokélé, ̄e betere alakélé, ȳalo yaai tūe mutere alakélé, kisipa tiki tiró betere alakélé, sek̄e beleté fu betere alakélé, yaala sókó fole alakélé, sek̄ei ala wapatei hepée taae faróló h̄ale yó tare alakélé, susupui ala erótu betepakélé, kae kae su betere sek̄ei alakélé, ̄e Antiok beró Ikoniam betamomó betepakélé, Litra bemó betepakélé, ̄epaae kae kae susupui ala erótu betaletei, fea naao ai tūere ape. Ai alarapené ̄e só deraqsóró Talené ̄e tao salepó. ¹² I fota mo dapó. Mepaae wh̄i detamo Yesu Keriso tūamó bitu, Kótóné ala eraai kisipa muóló erótu betepatei mo wh̄irapené atimapaae sek̄ei ala erótu betaalopó. ¹³ Ai ala erótu betere wh̄iraperó mepaae wisi ala du betere nisi dere wh̄irapetamo atimatei dilikitu yale kaae, atimané mo so wh̄ikélé dilikitu beterapó. Atimané atéro du betere dowi ala mo ti faketuraalu, atima mo doraalopó. ¹⁴⁻¹⁵ Atimata ai ala du betepatei, ȳata kaepa, ȳapaae ai fo yó melale so wh̄irape naao tūeru atimané yó melale fo tūétóró yó tawae. Kótóné mo ama kae asēyóló muló betere fota, ȳa mo ketemó bitu woseté waletei naao mo tūerapó. Ti ȳa Yesu Kerisopaae kisipa tiki tiraté fu betereteiné aluyaqsóró ai fonétei mo tao saaire bete wisiyóló tūe yópóló, yó melanérápó. ¹⁶ Kótóné asēmó yóló muló betere fo feata, ama

bole fomo sókó faraletiné eró beterapó. Ti aita noa ala yópóló meipó. Kótóné ala eratere whjné kae kae wisi ala erótu beterópóló kisipa mutu, yóló muló beterapó. ¹⁷ Tétu, ai fonétei mo so whjpaae yó matere ala yóo, dowi ala depa foné sere ala yóo, me hōko ala depa donoratere ala yóo, Kótóné ama donoi alamaaté mo sumó wisiyóló eraté fōo enérapó.

4

¹ Kótóné kele tómókélé, dā betere so whjró sukāle so whjamo fo tokótamo yóló tale yaaire whj Yesu Kerisoné kele tómókélé, a waaire be dēró ama tēteróló betere alatamomó tué mutu-raalu, yālo yāpaae i ala yae yóló dirii fo i dere ape. Kale fo wisinaaleta so whj feané wosópóló i ape yóló yó mótu betae. ² Ai fo yó melaa i tukóló muló betere be dēmókélé, ó mo hāle be dēmókélé, naao yó melaaire fo ali ali yaqsóro taleyóló kisipa muóló betae. Atétu, mepaae whjrapené hāsókó fupa donoratere alakélé yóo, me dowi ala depa taalae yóló, foné sóro ketekē bulatere fotei yóo du betae. Atéro yó matere fo wisiyóló sya fenitepa, foné sóro hapale só deréni, dua kaae taté fu bitu, kale bete mole fo betā mo hotowayóló yó mótu betae. ³ Ti noatepae, mepaae whjné kale mo bete mole fo wisi yó mótu betepatei, so whjné wosetere hōraaire ali waalo ai ape. Ai fo wisi wosetere hōrólo, atimané yaai kisipa mole ala sya furaalu, diāné yó mótu betere fo wosaalo hōrólo atima woséliné ekele yóló wosetu betere fo wosaaitapóló, atei kaae

fo yó matere wh̄irapepaae ape depa, atima fea wóló touraalopó. ⁴ Ti mo bete mole fo wisi atima wosetere h̄óróló sisópaae eróló, bete munire dol̄aa fo wosaairaalu ek̄e yaalopó. ⁵ Ai alata mo du betaalotei, yāpaae kae kae ala wapa, furu furu ini, kisipa diri iruraalu halaaiyóló betae. Mepaae sek̄ei ala wapakélé belée taruraalu, kale mió wosetere fo wisi bet̄a yó mótu bitu, Kótóné yāpaae erae yóló muló betere ala fea taaréni eró tawae.

⁶ Ti noatepae, mo so wh̄iné Talepaae momaturaalu, kale *wain* w̄ei momatere kapo fake tómó sunée derótu dere kaae, yālo betere bete mió i kemeratere ape. Ti ę i hae taaróló faaire be d̄e mió i sókó waaitere ape. Kale b́oe dale alakélé yālo mo wisiyóló dóo, sururu yóló fóló sókó f̄ópóló muló betere d̄alemó sókó f́oo, Yesu Kerisopaae tuę tiki tiratere alakélé h̄ale yó tawóo yalepó. ⁷⁻⁸ Téyaleteiné mió yālo doimó muló betere topo tao mulapó. Ti aita h̄ale topo tao meitei, d̄a feané yale alamó fo tokótamo yóló mo donotóro taletere Talené ita, mo donoi ala du betere wh̄i i ape yóló melaaire topo taopó. Ti aita, yālomaaté saalomeitei, Tale waaire be d̄e sókó w̄ópóló kaae taté fu betale so wh̄i feané saalopó.

Pol-né Timotipaae hapale ape yale fo

⁹⁻¹² Fo me i ape. Yā ę beterepaae hapale waasepólópó. Ti noatepae, Demas ą i haemó du betere alamó hosaa muturaalu, ę taaróló Tesalonaika bepaae ai fele ape. Tétu, Kresens-kélé Kalesia bepaae f́oo, Taitus-kélé Dalmesia bepaae f́oo depa, Luk bet̄a ętamo i betere ape. Ti Mark

ąta, ę Talené kutó diratepa tao su betere whı wisipa, yą wou ą dapesó ape. Tikikas ąta Epesus bepaae fǫpóló, yąlo dotęyalepó. ¹³ Tétu, yąlo bukutere kuti Troas bemó yąlo no Karpus-tamo mupa walepa, yą wou sóró ape. Yąlo bopeyóló mulale ašetere sókurape sóró wou, kale hupu sekaęné aleale ašetere sókurapekélé ai mulapa, taaróló wéni, mo sóró ape.

¹⁴ *Kapa* diriné ąla ąla aletu betere whı Aleksandané doasi bóe dóló ępaae sekęi ala eralepó. Atęyale kwiata, ąpaae Talenétei tokǫ melaalopó. ¹⁵ Ai sekéne dąné yó mótu betere fotamo doasi bóe dalepa, yątamokélé bóe dóló me dowi ala eraqsóró mo hotowayóló kae tawae.

¹⁶ Ętamo fo tokǫtamo yóló só deraai kaae sóró taleyale sukamó me whıné ę tao sere fo yaai ani, atima feané ę taaróló felepó. Atimané atei ala yale kwia Talené alurǫpóló yae. ¹⁷ Tępatei, Tale ętamo betąmó daalu fotokǫ sųmó bulaleteita, kale fo wisi yąlo mo diriyóló eratepa Juda fake mei, kae fake so whı feané wosǫpóló eralepó. Téteremó, atimané ę mo felekemó dóló aluraletei, Talené tao salepó. ¹⁸ Mepaae whırapené kae kae dowi ala ępaae eraqsóró, Talené ę tao sóró ama tęteróló betere hepen bemó ere ala wisi tuąmó beterǫpóló, mo wisiyóló dapesó fóló beteraalopó. Ama doi betą mo doasi doi muó taté fǫpóló yae. Mo kée! Tęyǫpóló yae.

Mo kemerótu kǫléo yale fo

¹⁹ Prisila-ró oma Akuila-tamopaaekélé, Onesiporus-ró ama kekelé so whıtamopaaekélé kǫléo yae. ²⁰ Erastus Korin bemó betóo, Tropimus

à Miletus bemó heponé sukóló muóo epa taaróló walepó. ²¹ Yáta, sosóli ali waaipatei, ipaae hapale waasepóló dapó. Yupulus-nékélé, Pudens-nékélé, Linus-nékélé, Klodianékélé, mepaae Keriso norape feanékélé, yápaae kọleó dapó.

²² Térapa, Tale naao kepe bete tuámó bitu, ama hẹle hamokoróló tao sere ala yá tuámó sọrọpóló yae.

Yesu Kerisoné So Whi Tao Sere Kisi Fo Wisi
The New Testament in the Folopa Language of Papua
New Guinea

Nupela Testamen long tokples Folopa long Niugini

copyright © 2005 Wycliffe Bible Translators, Inc.

Language: Folopa

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

PDF generated using Haiola and XeLaTeX on 11 Nov 2022 from source files dated 9 Oct 2020

4e9b4b04-0b47-5583-9c4d-fb82cfdd65c2